

E DIFERENSIA HUSTU I DURADERO

AKUERDO DI GOVERNASHON
OKTOBER 2023 – MART 2027

ER-2023000649

Partidonan ta deklará di a yega na un akuerdo pa formashon di un gobièrnu pa Boneiru pa e periodo di governashon di oktober 2023 pa mart 2027 i ta rekonosé i kombení e siguiente áreanan prinsipal di maneho:

KOMUNIDAT HUSTU

- 1) apliká mínimo sosial den maneho di Gobièrnu i enfoká ku suidadano por sobra por lo menos 30% di su entrada despues di paga tur su gastunan basiko;
- 2) krea bario mas agradabel, seif i aktivo ku posibilidat pa rekreo sano;
- 3) provení pa bibienda pagabel pa kumpra of hür den barionan eksistente;
- 4) adaptá maneho di supsidio di hür pa tur suidadano por bini na remarke;
- 5) invershon struktural den sistema, infrastruktura i programanan di formashon, edukashon, deporte, rekreo i arte ekspresivo;
- 6) reevaluá i reorganisá e maneho deportivo di Boneiru pa un ehekushon mas efektivo:
 - a) krea i inkorporá un funshon di maneho deportivo den aparato di Gobièrnu;
 - b) reorganisá INDEBON den un órgano outónomo pa ehekushon di maneho deportivo;
 - c) rekonosé Bonaire Sport Federatie [BSF] komo Asosiashon Deportivo Sentral;
 - d) formulá presupuesto i kontrato struktural pa finansiá federashonnan i ekiponan deportivo;
 - e) instalá un organo independiente pa maneho i mantenshon di terenonan di deporte;
 - f) formulá presupuesto i kontrato struktural pa finansiá e maneho i mantenshon di terenonan deportivo;
- 7) formulá i inisiá un maneho pa krea, operá i mantené parkenan di rekreo den tur bario;
- 8) formulá un maneho di saniamentu di debe struktural pa duna hendenan ku debe serio i struktural, un chèns pa kuminsá di nobo, bou di guia di proyektonan di maneho finansiero;
- 9) formulá i ehekutá maneho pa brinda oportunitat na hóben i mucha por medio di e.o. introdukshon di pakete di mucha, ‘kindgebonden budget’ i akohida di mucha supsidiá;
- 10) formulá i inisiá maneho i proyekto pa mihó sosten pa nos grandinan:
 - a) brinda servisio i sosten supletorio na nos grandinan di 63plùs;
 - b) maneho pa stimulá partisipashon laboraal di nos grandinan 50plùs;
- 11) stimulá desaroyo i ampliashon di sentronan integral di hubentut;
- 12) evaluá i revisá maneho di kultura pa Boneiru i otorgá fondonan nesesario;
- 13) formulá i ehekutá un maneho di idioma:
 - a) stipulá un maneho di idioma ku finansiamentu struktural;
 - b) inisiá proyekto pa stimulá buki na papiamentu;
 - c) registrá papiamentu na manifesto oropeo pa idioma di minoria;
- 14) introdusí un maneho pa kuido di bestia na un manera responsabel i humano, ku finansiamentu struktural;
- 15) introdusí maneho di preferensia na nos yunan di tera i esnan ku laso sosial ku nos isla;
- 16) stimulá un komunidad inklusivo ku oportunitat igual pa tur suidadano:
 - a) introdusí maneho pa duna sosten i aporte na suidadanonan ku desabilidadat;

E DIFERENSIA HUSTU I DURADERO

AKUERDO DI GOVERNASHON
OKTOBER 2023 – MART 2027

- b) implementá maneho pa fasilitá integrashon di migrante den nos komunidad mas mihó;

DESAROYO DURADERO

- 17) entamá un proseso pa formulá un vishon Sosio Ekonómiko di mas aña;
- 18) desaroyo ekonómiko strukturá den ekilibrio ku nos kultura i medio ambiente;
- 19) hasi kultura i herensia un parti integral di nos ekonomia i turismo. Hasi músika i ekspreshon artístiko un parti fundamental di nos formashon i desaroyo ekonómiko;
- 20) invertí den mikro turismo pa nos propio hendenan por benefisiá di turismo;
- 21) modernisá nos infrastruktura pa inkluí espasio pa peatón, baikel i e.o. maneho di awaseru, na un manera transparente i planifiká;
- 22) desaroyá i stimulá sektor di agrikultura, krio di bestia i peska pa nos por produsí gran parti di nos propio kuminda;
- 23) formulá i stipulá un vishon i maneho energétiko;
- 24) introdusí maneho i supsidio pa energia solar i rekohida di áwaseru na kada kas;
- 25) introdusí transporte públiko konfiabel i pagabel;
- 26) establese un instituto ku tarea pa stimulá komèrsio i invershon;
- 27) ehikutá un reevaluashon general di e plan di zonafikashon (R.O.B. Bonaire);
- 28) ehikutá un ‘Milieu Effecten Rapportage [M.E.R] onderzoek’ stratégiko delantá pa teritorio di Boneiru ku ta duna un indikashon di e riesgo di impakto pa posibel desaroyo;
- 29) restrukturá sistema i maneho di haf na Boneiru;
- 30) formulá maneho di mantenshon i servisio di nos playanan públiko, pa mantené nan outentisidat i alabes provení fasilidatnan pa nos hendenan i pa turistanan;
- 31) ehersé un sondeo pa kumplimentu ku stipulashonnan riba terenonan ya otorgá;
- 32) sigurá konekshon duradero digital, aéreo i marítimo regional;

DEMOKRASIA FUERTE I PARTISIPATIVO

- 33) un aparato di gobièrnu conforme prinsipionan di transparensia i bon gobernashon;
- 34) un Konseho Insular efisiente, kapas i partisipativo ku ta sirbi interes di pueblo;
- 35) instalá un término máksimo ku suidadano ta risibí kontesta riba su petishon;
- 36) trese servisio di gobièrnu serka di pueblo pa medio di instalá sentro di servisio den bario;
- 37) stimulá partisipashon struktural di pueblo i hóben den gobernashon;
- 38) introdusí un ekipo ku ta desaroyá planifikashon i maneho stratégiko;
- 39) organisá Boneiru su presensia permanente den region, na Den Haag i na Brussel;
- 40) reorganisá aparato gubernamental pa unu íntegro, ophetivo, efisiente, efektivu, ekonómiko i proaktivo;
- 41) brinda amplio oportunidat di formashon na empleadonan públiko;
- 42) eliminá opstákulonnan burokrátiko i fortalese efisiensia di e aparato gubernamental;
- 43) formulá i stipulá un maneho di destaho i kompra públiko;
- 44) restrukturá maneho di entidatnan di gobièrnu;

E DIFERENSIA HUSTU I DURADERO

AKUERDO DI GOBERNASHON

OKTOBER 2023 – MART 2027

- a) restrukturá kompanianan di gobièrnu;
 - b) adaptá ordenansa di Maneho Korporativo;
 - c) krea un entidat independiente pa kordiná, manehá i supervisá Maneho Korporativo;
- 45) instalá un órgano pa ofresé asistensia na komunitat den kaso di konflikto hurídiko, salubridat, laboral, sosial i/of idioma;
- 46) revisá Algemene Politie Keur [APK] aktual pa un Algemene Plaatselijke Verordening [APV] moderno;
- 47) fortifiká relashon i koperashon riba temanan di interes mutuo ku islanan den nos region;
- 48) krea entidat di Asuntunan Konstitushonal i Relashon ku Eksterior pa e.o.:
- a) formulá, manehá i kordiná e trayekto di desaroyo konstitushonal;
 - b) formulá i instalá representashon di Boneiru na e.o. Hulanda i Oropa;
 - c) establese relashon estrecho ku Hulanda, Oropa, demas pais i isla den Reino i den region;
 - d) rapelá e petishon pa agregá Boneiru riba lista di paisnan sin gobernashon propio;
- 49) organisá mekanismo di konsulta riba maneho ku ta regardá Boneiru na un manera transparente i efikas;
- 50) organisá un diálogo nashonal kontinuo riba desaroyo konstitushonal di Boneiru;

Kralendijk, 20 di òktober 2023,




Sr. C. Vrolijk



Sra. D. Coffie



Sr. C. Abraham



Sra. R. Hellburg-Makaai



Sr. D. Crestian